

# ХАЛЬМГ ҮНН

Советск Союзин Коммунистическ партин Хальмг танггчин болн Элст балгэсна комитетсин, күүч-кблсчнрин депутатнрин Танггччин болн балгэсна Советсин газет

№ 45 (2878)

1957 дж. июлин 7

Үннь 20 деншг

Марксизм-ленинизм диилгдшго туг дор эврәннь зерглэггян улм батар хамцулдж, коммунизм тосхлтин төриг диилвртэггяр күцэхд эврәннь күчән цугтнь зөрүлтн гидж партин Центральн Комитет коммунистнриг цугтнь дууджана.

## Советск Союзин Коммунистическ партин Центральн Комитетин Пленумин туск зәнъглгч сонъсхвр

Эн джилин июнь сарин 22-с авн 29 күртл Советск Союзин Коммунистическ партин Центральн Комитетин Пленум болв.

Пленум деер Маленков Г.М., Каганович Л.М., Молотов В.М. гурвна антипартийн багин туск төр холгъдж күүндв.

Күүндвр кесн төриннь тускар Пленум шиидвр кев, тернь эндр барлгддж баян.

Пленум, Маленков Г.М., Каганович Л.М., Молотов В.М. гурвиг КПСС-н ЦК-н Президиумин чледин тоогъас гаргъв, дакад ЦК-н чледин тоогъас бас гаргъв; үр Шепиловиг КПСС-н ЦК-н сеглätрин үүлэснь буулгъад, ЦК-н Президиумин чледин кандидатмудин тоогъас болн ЦК-н чледин тоогъас гаргъв.

КПСС-н ЦК-н Президиумиг Пленум иим улсар сунгъв: Президиумин члед: үүрмүд Аристов А.Б., Беляев Н.И., Брежнев Л.И., Булганин Н.А., Ворошилов К.Е., Жуков Г.К., Игнатов Н.Г., Кириченко А.И., Козлов Ф.Р., Куусинен О.В., Микоян А.И., Суслов М.А., Фурцева Е.А., Хрущев Н.С., Шверник Н.М.

Президиумин чледин кандидатст: үүрмүд Мухитдинов Н.А., Поспелов П.Н., Коротченко Д.С., Калиберзин Я.Э., Кириленко А.П., Косыгин А.Н., Мазуров К.Т., Мжаванадзе В.П., Первухин М.Г.

Пленум КПСС-н ЦК-н сеглätр болгъдж үр О. В. Куусинениг сунгъгад, секретариатин тоог күцäv.

## Маленков Г. М., Каганович Л.М., Молотов В.М. гурвна антипартийн багин тускар КПСС-н ЦК-н Пленумин тогтавр

КПСС-н Центральн Комитетин Пленум 1957 джилин июнь сарин 22-с авн 29 күртл болсн заседаньс деерән, КПСС-н ЦК-н Президиумин дотр бүрдсн Маленков, Каганович, Молотов гурвна антипартийн багин тускар халла.

Мана партъ Центральн Комитетин гардвр, цуг келн-амтн дөнъгяр тулур кеггяд, XX-ч хургин тууджлгч шиидврмүдиг күцэхин төлө мангъсн ик кблмш кеггяд, келн-амтн эдл-ахуг цааранднь улм бсгх-бблүлх болн советск олн келн-амтн эдл-уш, үмсх-зүүх, баясн баядл тасрха уга бблүлгдх, партин дотадак баядлин ленинск кемджэг хәрү босгъхин төлө, революционн занъ эвдснә уршигг уурулхин кергт, партъ олн-амтн хойран хоорндк залгълда улм бргджүлхин төлө, советск социалистическ демократиг бргджүлхин төлө, советск олн-келн амтнә нинькр баядлин улм батлхин төлө, национальн политикиг чикәр кедж эдлхин төлө, зугар газдин политикин халхар болхла— орн-нутгудин хоорндк цүүгг амрлудж, зууцнъгү-ни баядлин батлхин төлө ноолддж йовх цагт; нег үлү эн хамг халхар үзмджтә күцәнъгү төрмүд кегджд одснә советск күн болвас меддж орксн цагт, — минь эн цагла Маленков, Каганович, Молотов гурвна антипартийн баг партин йовгч гол татасиг бурушадж, бмнэснь босв.

КПСС-н ЦК-н Пленум деер сунгъгдсн партин органсин гардачнрин зарминь сблад, партин йовгч политическ гол татасиг хуврулхәр седад, эн баг тер санаган антипартийн, фракционн эв-арггар күцэхәр зүткдн йовсн баядж.

Учр уга деерас эн гарч баях йовдл биш. Сүлз—4 джилмүдин эргид мана партъ негндән тохдз зүткдз, күмни эркшлин уршгар гарсн эндүсиг, дутулдундсиг чиклхин төлө ноолдад, дакад нарт делкә деер болн орн-нутг дотран марксизм-ленинизмг шуудж-шалгачнрин бмнэс босдж күцлгтә ноолда кедж йовтл, келн-амтнә туск ленинск политикиг

урднь буруггар эдлдж йовсн учрар гарсн хаджгърмудиг чиклад, партъ ик гидг кблмш кедж йовх цагт, эн ода,— цаядгдәд базрнь-баргдсн антипартийн багт орлчачнр ил-далд угагар харшлхар эн КПСС-н XX-ч хургин збшәрсн кергт оньдин саалтг болад йовцхадг билә.

Эн баг, үнәрнь келхд, оньгдан-оньгдан социальн системтә орн-нутгудин хоорндк төвкнүн зерглдж-бәалггнә туск Ленинә заавриг күцэхд, келн-амтнн хоорндк цүүгг амрлүлхд болн СССР-н болн орчлн-делкән ордуд хоорнд таарта-ни баядл тогтахд харшлхар седдә.

Культурин тосхлтин, эдл-ахун болн йосна халхар, союзн республичесн збв-йос уудулхин буру гидж, тер мет эн кергүдиг күцэхин төлө баярн газрин Советмүдин мелнинь-чинринь күчлхиг эдн бурушав. Антипартийн баг тер хамгарн мана орн-нутгин цуг олн келн-амтн дунд ленинск энъкр-ни баядлин цааранднь улм батлхиг тетгәр партин шундж шулуггар күцәдж йовсн келн-амтсин республикәр культурин болн эдл-ахун бслтиг хурдар күцәлггнд харшлв. Бюрократизмлә ноолдана тускар партин кеджәх төрмүдиг антипартийн баг мел эс медсн деерән, зуг ташр деернь тер төрмүдиг күцәхд саалтг болдг билә. Орн-нутгин үлэгдж бссн аппарат хасхд эн баг бас саалтг болдг билә. Цуг эн хамг төрмүдәр босдж, партин демократическ централизмн тускар күцәгч ленинск заавриг тедн бурушав.

Цуг мана партъ болн олн-келн-амтн збшәрсн, эдл-ахун райодар Совнархозмуд тогтахиг, промышленностин заллггиг оньгдарулдж шинәр заллг кедж эн баг збц удан саалтг болад, иим чинртә төрмүдиг эдн күцдгинь таслхар седцхалә. Социалистическ промышленностин бслт кемджан уга ик күцлгтә болн күнд индустрин йилгән бслт дахдж хурдар улм цааран бсдж йовх цагт— промышленностин заллггиг бдгә цагин баядллә ницәтәггяр, Советск индустригучртан эс авдг, нойрхг халә-

улм күчтәггяр бблүлхинь тетггч дала ик резерв сейгч шин, бмнкәсн улм сән янзс олдж авх кергтә болв бидн. Терүг эдн медхәр седсн уга. Эн баг дегд ик холд одсн баядж. Тернь альдас үзгднә гихлә, эн деер келгдсн төрмүдиг олн-амтн холгъад-күүндәд збшәрдж орксн хббн, СССР-н Деед Советин Сессәр батргдсн йосн болад гарч одсн ард бийдн, промышленностин заллггиг оньгдаруллггиг бурушадж ноолдаггян улм утхдж йовла.

Селәнә эдл-ахун туск төрмүдәр кегдх цагнь болчксн шин үүлдврмүдиг, эн багт орлчачнр эс меджәхән илгкдз үзүлв. Селәнә эдл-ахун эдл-уушин гарциг икдүләд, колхозн крестьянствин олвр-збврин урмдинь күчлх эрки кергиг эдн медхәр седдз бсгн уга. Колхозмудар баясн хуучн, бюрократическ зураллгәна диг-дараг уурулдж, колхозмудин селварт сулхвр бгч, шин зураллгәна диг-дара авлггн саяггән үзүлчксн цагт, эдн энүг бурушадж йовцхала.

Колхозмудин брк-бүләс эрк-биш авгддг, селәнә эдл-ахугъас гардг эдл-уушиг бгдгинь эн джилин хуучар уурулдж болм цагнь ил ирдж орксиг эдн меддж чадж баяхш— тернь олн-амтнә зовлн-джиргәләстеднә дегд икәр холджд одсн уршг. Советск орн-нутгин кесг сай күч-кблсчнрин баядл-джиргәлд ик чинртә керг күцәгддг учрнь— колхозмудар олн-дундин мал бсглггн икәр бсснә болн совхозмуд бсдж-бргдснә учр. Кегдх цагнь ирдж орксн эн төрт дөнъ-нбкд болхин ормд, антипартийн багт орлчачнр түүг бурушадж босцхав.

Амн болгәна тоод кергтә уснә, тосна, махна гарцар ббрхн джилмүдин эргид СШЛ-г күцхмн гисн— партин дуудвриг цуг колхозмударн, областьсәрн, республикәсәрн збшәрдж дөнънә баятл, эдн ююни-төлә кеджәхинь эс медгсн ноолда кедж, энүг бурушав. Эн антипартийн багт орлчачнр, бнр-бргн олн-амтнә зовлн-джиргәлин төригучртан эс авдг, нойрхг халә-

цән үзүлсн деерән, социалистическ эдл-ахуд баях дала ик чидмгә-чадмгә чинрт болн уснә, махна гарциг хурдар бргхин төлө боссн цуг келн-амтнә ноолданд эс итк-сән терүгәрн үзүлв.

Мана орн-нутгин эдл-ахуд элдв ик чинрән бгсн, 35 сай гектар эмнг газр босхдз халгълдж эдлг болх эрки кергиг, антипартийн багт орч үр Молотов эс меддж чадсн деерән, инън-татн гисн хуучна халәцәрн эн шин төрин күцлгд саалтг болдж йовна.

Центральн Комитет болн цуг мана партъ күмни эркил-ләс кблтәстә гарсн буру йовдлмудиг уурулхин төлө, революционн занъ эвдәд йовсн нег цагт гарсн уршигг чиклхин төлө болн тийм йовдлмуд хббннь дакдз гардго болдгар кедж йовх кергүдин бмнэс босдж ноолддж Маленков, Каганович, Молотов гурвн ик гидгәр харшлдж йовцхала.

Мана төрскнә кблмшчнр, колхозникуд, бмәрән зүтксн, нертә саяхн багъчуд, инженерн-техническ болн гүн номин халхар кблгдг амтс, бичәчнр болн цуг интеллигенц, хбрлгч хургин шиидврмүдин утх-ундснәснь авч партин гаргәсн чинртә төрмүдиг нег дууггар дөнъндж, цуг мана орн-нутгин олн-келн амтнә бахтдж гүджд, тер ик эрки чинртә төрмүдиг күцдн күцәхәр шундж йовх цагт, мана орн-нутгин олн-амтн алдршсн бблгг болн шин творческ чидлин кем үзджәх цагт,— партин бмнэс боссн эн цбн улс, олн-амтнн бахмджтагар творческ уралан йовлггәнас хосрдж танъх дүлә болдж ард үлдцхәдз. Газдин политикин халхар эн баг, тедн дотрас нег үлү давдз йилгәрсн үр Молотов, хуучн халәц бәрәд, орчлн-ггин ни-төвкнүниг батлх, олн-келн амтнн хоорнд босдjax хату цүүгә амрлүлх— шин ик чинртә төрлүдт харшлт болад йовцхав. Ур Молотов кесг цагин кемджәнд газдин керг-төрин министр болдж кблджәггәд, СССР Югослав хойран хоорндн баядлин министрствиннь халхар

ясрулх аргъ хаях биш, нам ол дакдз Югослава эвцнъгү сән баяхәр мана ЦК-н Президиум гаргәсн шиидврмүдин бмнэс босдг билә. Югославин төрәр үр Молотовин гаргәсн буру халәциг— „Советск государствн болн социалистическ

лагерин седклә ирлцджәхш, Ленинә зааврин утхла харгәлц-джахш“— гидж 1955 джилин июль сарла болсн ЦК-н Пленум нег дууггар задж-засла.

Австрла государствнн бооца келггнд болн Европин талдундн баях тер государствла эргцлгән ясрулх кергт үр Молотов саалтг болла. Нарт делкән орн-нутгуд дунд баях ни уга йовдлин цуцлх Австрла бооца келггн ах чинртә баясн мбн. Дальн Востокд делкән орн-нутгуд дунд баях ни уга йовдлин сулхк кергт тингхд ик нилчтә баясн, Япона орнла эргцлгә диглдж ясрах төриг тер бас бурушав. Оггә цагин баядлд дан болхиг бокрдж болхин тускар, алк нег ордудт олн-зүсн хаалггар социализм үр ордж болх аргъ баяхин тускар, газдин ордудн прогрессивн партьсла КПСС ницнъгү баялггиг эрк биш чанъгахин тускар мана партин шиидж гаргәсн батта чик зааврмуд хаджилгәхәр тер босв.

Олн амтн аамшг уга баях болн төвкнүн баялг харсх кергт эрк биш туста Советск правительствин шин ишкдлин хаджилгәхәр кесг саадж үр Молотов босв. Улгүринь келхд, СССР-н толгвалгч үүлдәчнр болн наадк орн-нутгудин государствнн үүлдәчнр хоорндан бийәрн эргцдз нүүрин танъггяр боллггиг тер бурушав, тер төр, хоорндан ницнъгү баялг күцхин туст болн делкән эргцлгә ясрахин төлөд эрк биш кергтә баясн мбн.

Кесг йовдлд тер төрмүдәр ухалсн үр Молотовин халәциг үр Каганович харсдг, нам олн саамд үр Маленков харсдг баясн мбн. Центральн Комитетин Президиум болн Центральн Комитет бұклдән цухлт угагар тедниг чиклв, теднә

(Чилгчнь 2-ч халхд).



# Маленков Г. М., Каганович Л. М., Молотов В. М. гурвна антипартийн багин тусвар

## К П С С-н Ц К-н Пленумин тогтавр

(Чиглчнь. Эклцнь 1-ч халхд).

хаджгэрин өмнөс ноолдв, эвр-ра гаргэсн хаджгэр йовдласн уха авцхах, түүгэн харсдж зүтхэн уга, партин толгьалгч коллективлэ цугталань нег ишкдлэр йовх гидж тоолв. Болв тедн эврэ хаджгэр, ленинск биш халацан бэрэд баяв.

Партин хаалгас хаджгэс уурмуд Маленковин, Кагановичин болн Молотовин халацан улднь баях учр-йовдлнь, тедн хуучн тоолвр болн авцд кел бэргддз баясн, ода чигн баягэан учр, партин болн орн-нутгин джиргэлэс салсна учр, шин йовдлг, шин уулдвриг тедн үздж баягэахш, консерватизм гаргьлгын. Социалистическ лагерт бүкдлнь туста, советск обществин делгрлгэнд туста болдж гаргах болн джиргэл бийнэ үүдэджэ тоотиг бурушадж, коммуниз-мд күрлгэнэ джисэнд тус уга, хуучллад мартгдсн кōдлмшин авц-янз хойриг тедн цухлт угагьар бэрглгнэ учр.

Дотрин политикин төрмүдэр чигн, тер мет газдин политикин төрмүдэр чигн тедн сектантс болн догматикс болцхав, марксизм-ленинизмд амн-джиргэл уга номнлгнэ халац гаргьцхав. Ода цагин уулдврт марксизм-ленинизм сургьм-дин джиргэлтэ баядл, коммунизмин төлө ноолдлгн партин ХХ-ч хургин шиидврмүд күцэдэ делгрүлгн болдж бая-хиг тедн меддз чадш уга болцхав, төвкнүн зергддз баялгнэ политикиг зүткдз делгрүлхэр, оли-келн амтс

иньг-амрг баялгнэ төлө ноолдлгьар, социалистическ лагериг делгу кевэр батлх политикэр, промышленность гардлгь ясуулгьар селанэ эдл-аху-г алк-нег халхарнь өбдлүл-хин төлө ноолдлгнэ, эдл-уш, үмсх-зүүх элвдяхин төлө, бая-х гермүд тосхлгь өргдүлхин-төлө, союзн республиксин зөв йос уудулхин төлө, келн-амтнэ культур цецглэхин төлө, олн улсин урмд-шунлиг кемджен угагьар делгрүлхин төлө кегдсн шиидврмүд күцэ-хиг тедн меддз чадш уга болцхав.

Парти ХХ-ч хургин шиидврмүдиг таслт уга батар күцэдэжэ ЦК-н Президиумд, теднэ хаджгэрар үг келлгн болн уулдвр келлгн дангын хару цоклгь авч баяхиг медч-кад, уурмүд Молотов, Каганович, Маленков—эдн партин гардврин өмнөс баглад ноолдлгнэ хаалгьд орихав. Хоорндан антипартийн күцлгьгэр урдаснь үгэн негдүлж авч-кад, партин политик онгьдариулх уха зүүгьад, партин ХХ-ч хургин шиидвэр бурушадсн гардлгнэ хаджгэр авцур партиг хару орулхар эдн седцхав. Эдн хов цацдз цүүгэ татлгнэ кемэцд орихав, Центральн Комитетин өмнөс нуучинар үгэн негдүл-хав. ЦК-н Пленум деер илтк-гдсн йовдлмуд, уурмүд Маленков, Каганович, Молотов болн теднлэ ханьцсн үр Шепилов фракционн ноолдана хэ-лгьд орад, партин Устав эдл-

сиг болн „партин ни-негнэ тускар“ ленинэ заасн, партин Х-ч хургин шиидвр эвдсиг үзүлджанэ, түүнд иигдз келгднэ:

„Парти дотр-дунд болн советск алк-нег кōдлмшт чаньгь дисциплин бэрдз делгрүлхин эркд болн алк нег фракционн йовдлг уурахд агьу-ик ни-негн болхиг тетг-хд, кемр дисциплин эвдгдсн цагт, фракционн йовдл үүдх-лэ, эс гихлэ гархла, партийн ямаран болвчигн засгла хар-гьулхиг, нам партаснь чигн гаргьхиг, ЦК-н чледи тускар болхла, тедниг кандидат кехиг, нам берк засг кедж, партаснь гаргьхиг Центральн Комитетд хург ишлвр өгчэнэ. ЦК-н члэдүдиг, ЦК-н кандидатсиг болн Контрольн Комиссин чледи тиим берк засг-гла харгьулх иштэ үүднэ, ЦК-н кандидатсиг цугинь үр-сн болн Контрольн Комиссин чледи цугинь үрсн ЦК-н Пленум дуудлгн болх йоста мөн. Кемр партин чань уга нилчтэ гардчирин олна тиим хургин гурвна кесн хойр ху-внэ зөвшэрэд, ЦК-н члениг кандидат гаргьхиг, эс гихлэ партаснь гаргьхиг эрк биш кергтэд тоолхла, тер цагт эн төр бачм цаг зуур кедх зөв-тэ мөн“.

Центральн Комитетд болн партин цуг организацд партин ни-негн болхиг цуцрт угагьар батлхиг, фракцин болн багларгнэ алк-нег дүрстэ йовдлмудт таслгч чаньгь

цоклгь өгхиг, кōдлмшч клас-син авангард—Коммунистическ партин ни-негн болдг нилч уулдвр хойриг цутхлнэ делгрүлдж, ни-ницнэгьү лавта сэн кōдлмш тетгхиг ленинск шиидвр даалгьдз нек-лэ.

Антипартийн багиг ни-негн ухагьар закрсн ЦК-н цуг чледи болн ЦК-н членэ цуг кандидатсиг, Центральн Ревизионн Комиссин чледи күчтэ мөнхк ни-негн болн батинь ЦК-н Пленум агьу-ик бахтагьар темдгдз баянэ. Тер багиг татх нег чигн кун, ЦК-н Пленумин тоод уга болдж гарв.

ЦК-н Пленумин чледи негн кевэр босдз, тер багин чледи ЦК-с гаргьх, дакад партас гаргьхиг некхлэ, багин антипартийн уулдвриг ЦК-н Пленум ни-негнэр зак-рлгнэ нүүрт тусхларн, тедн урдаснь үгэн негдхсн, гемэн медв, антипартийн хорлтга уулдврмүд кесэн медцхав, партин шиидвр күцэх үгэн өгцхав.

Деер келгдсн тоотас иштэ-гьар болн ленинск ни-негиг делгу батлгнэ нилчэр гардвр кедж, КПСС-н ЦК-н Пленум тогтадз баянэ:

Центральн Комитетин члэдүд цугьар, Центральн Комитетин членэ кандидатс, Центральн Ревизионн Комиссин члэдүд цугьар, негхн үр Молотовин гар-брглгн угагьар-нег дуугьар 1957 джилин июнин 29-д тогтавр батлдж авгдв.

1. Мана партин ленинск принциплэ ницшго, Маленковин, Кагановичин, Молотовин болн теднлэ ханьцсн Шепиловин антипартийн багин фракционн уулдвриг закрхмн.

2. ЦК-н Президиумин чледи тоогьас болн ЦК-н тоогьас уурмүд Маленковиг, Кагановичиг болн Молотовиг гаргьхмн; КПСС-н ЦК-н сел-лэтрин уулэс гаргьад, ЦК-н Президиумин членэ кандидати болн ЦК-н членэ тоогьас үр Шепиловиг гаргьхмн.

\* \* \*

Антипартийн багд орцгч, уурмүд Маленковин, Кагановичин, Молотовин фракционн уулдвриг партин Центральн Комитет ни-негн кевэр зак-рлгн мана ленинск партин зер-глэнэ ни-негн цааранднь батлх нөкд болв, түүнэ гардвр батрав, партин генеральн хаалгнэ төлө ноолдлгнэ кергиг батлв.

Марксизм-ленинизм диилгдшго туг дор эврэ зерглэг-гэн улм батлдж негдхиг, коммунизм тосхлгнэ төриг саян-р күцэхд эврэ күчн-чидлэн өгтхэ гидж коммунистнриг цугьарагьинь партин Центральн Комитет дууджана.

## Колхозникудин, кōдлмшчнрин болн церглэчнрин эдл-ахус, селанэ эдл-ахугьас гардг эдл-ууш государствд эрк биш орулдж өгдгиг уурулхин тускар

КПСС-н Центральн Комитетин болн СССР-н Министрмүдин Советин 1957 джилин июлин 4-д гаргэсн тогтавр

Мана орн-нутгин күч-кōлс-чнр Советск йосна джилмүдт, Коммунистическ партин гард-врт оли-амтнэ эдл-аху делгр-үлдж өслгнэ ик гидг күцл-мүд күццхав. 1957 джилд баях СССР-н промышлен-ностиг революцин өмн баясн-лэ дүнэгцүлхлэ—гуч гар дакдз холвдз өсв, 1940 джилд баяснлэ дүнэгцүлхлэ—дөрвн холван шаху өсв. Промыш-ленность өслгнэ ним хурдн болсиг капиталистическ нег-чигн орн-нутг кезэд чигн үздэ уга билэ, үздэ чигн баяхш.

Орн-нутгт индустриализац кех алдр төриг хагьлсн учрар мана селанэ социалистическ эдл-ахуг өдгэ цагин күчтэ гидг техникэр агсх аргьта болвдн. Колхозмудин болн совхозмудин теетг ода күс-дундур сай үлү трактор (15 мōрнэ чидлгьгэр тоолхла), 380 миньгь шаху комбайн, селанэ эдл-ахун нань чигн кесг сай машид кōдлдж йовц-хана. Селанэ эдл-ахун кōдл-мшд машинд ик өргэр орцул-сн учрар, колхозникудин, кол-хозницин, МТС-н болн сов-хозмудин кōдлчнрин күч-кōл-сиг амрдулад, кесн кōдлмш ик күцэмджтэ болгьх аргь учрав.

Ленинск кооперативн плагьар бүрдэсн колхозн тосхлт—кесг түмн миньгн крестьян улсин кōдлмшин болн баях баядл-джиргэлин гол-утхинь соци-алистическ шин эклчэр ху-врэдз, советск селанэ цуг күч-кōлсчирт баяхтэ, сарул-цевр джиргэлд күргч өргн хаалгь

секдз өгв. Колхозн тосхлтин амрлүлгч делгрлгалдр күчтэ болджахиг, капиталистическ селанэ эдл-ахуд-дорхнь соци-алистическ селанэ нōкцнэгьү эдл-аху лавта деер болджа-хиг—колхозин оли-дундин эдл-ахун өслтин дамшлт үзү-лдж медүлджанэ.

Мана советск крестьянств, колхозмуд болдж хамцад, социалистическ оли-дундин нōки-нэгьү эдл-аху бүрдэсн—деер туста болджахиг олзлад оларн негддз кōдлэд кесэн күцэлгэнд ик гидг диилврмүд күццхав. Колхозмудин ик-зунь ода оли-зүсн зōбртэ эдл-ахус болдж гарцхав. Эдн баяхтэ болдж батрад, ик гидгэр бай-лжцхав. 1956 джилд колхоз-мудт орсн мōнэгнэ оруг, 1953 джилэ орула дүнэгцүлхлэ—хойр холван шаху ик болдж гарв. Селанэ эдл-ахун артель-мүдин оли-дундин мал-гернь ода колхозникудин цуг баядл-джиргэлин, теднэ өлг-эдин болн эдл-уушин өслтин бат гидг ул-кōрнэгн болв. Кол-хозн крестьянств күчн-чидлэн арвлго кōдлсн учрар госу-дарствин халхас колхозн сел-лэнд өггч дөн-тус улм-улм өсэд йовсна учрар—эн тоот күцэгдсн. Мана орн-нутгин совхозмуд чигн бас бүрдэм-джэрн батрад, селанэ эдл-ахун эдл-ууш гаргьдгн болн орн-нутгт орулдж өгдгнэ зөвэр икэр өсв.

Селанэ социалистическ нōк-цнэгьү ик эдл-ахуд дала-адл аргь-күчн баяхнь—КПСС-н ЦК-н Сентябрьск Пленумин хō-би сэн гидгэр илдж медгдв.

Селанэ эдл-ахун кōдлмшин гардлгьиг ясуулгьар колхоз-мудиг, МТС-диг болн совхоз-мудиг сэн дамшлтга гардчирар болн специализирэр тетгдз батлгьар, селанэ эдл-ахун эдл-ууш гаргьлгьиг икдүлхин кергт колхозникудин, колхозни-цин, МТС-н болн совхозму-дин кōдлчнрин олвр-зōбл-рин урмдин икдүлхин туст парть болн правительств, тер пленум деер ик гидг төр тем-дгдсн, ода кедж күцэгддз баянэ Селанэ эдл-ахуг өргдүлхин туск төрт—эмнэ болн эмнэ-ршн газр эдлгьнд орулгьн, се-ланэ эдл-ахун эдл-уушиг бел-ддз болн хулддз авлгьна үниг икдүлсн, колхозмудар болн совхозмудар зура келгнэ диг-дараг сольсн—ик чиртэ болв.

Цуг эн тоот—тэрэнэ газрин агьуг зөвэр өсгэд, буудэ болн селанэ эдл-ахун нань чигн эдл-уш гаргьлгьиг авр кевэр икдүлх аргь өгв. Ниднин джил-инклэ адл тиим ик буудэ мана орн-нутг урдн кезэд чигн ху-радз авад уга баясн. Хлопок, шикрин свекла, боднцг, нарн-цецгин яс болн селанэ эдл-ах-ун нань чигн куьтуре хурадз авлгьн бас өсв. Малин тонь өсэд, малас эдл-ууш, нег үлү үс гаргьдз авлгьн икдв. Сүл джилмүдт кесг миньгн кол-хозмуд болн совхозмуд мах болн үс гаргьлгьн хойр хол-вэд, нам кесг эдл-ахуснь бол-хла гурв холвад, түүнэс икэр чигн өсгсн баянэ.

Селанэ эдл-ахун эдл-уш гаргьлгьн өсөнэ ашд 1953 джи-линэ дүнэгцүлхлэ, 1956 джил орн-нутгт өдмг-гуйр белддз ав-

лгн нег бум дөрвн зун сай пуд-өсв, боднцг болн темс белдгн гурвн сай гартонн, талданар кел-хд 54 процент өсв, шикрин све-кл—36 процент, махн—25 про-цент, үсн—1,7 холвдз, кол-хозмудар болхла хойр холва-нас давугьар өсв. Тиигсн бийнэ селанэ эдл-ахун эдл-ууш бел-ддз авлгьна агьунь нургь-лдж колхозмудас болн совхоз-мудас ордж ирсэр өснэ.

Орн-нутгин оли-амтиг селанэ эдл-ахун эдл-уушар тетгхд ода социалистическ сектор йил-гьгч орм эвлэ. Ода буудэ, шикрин свекли, хлопокиг, олсиг, коноплиг, тосна куль-туриг болн темсиг государствд зугл колхозмуд болн совхоз-муд өгцхэнэ. Малас гардг эдл-ууш белддз, хулддз авлгьна цуг агьуд колхозмуд болн сов-хозмуд ним хувар эзджэнэ: мах орулдж өглгьэр—81 про-цент, үсэр—84 процент, ноосар—89 процент. Терүнлэрн хам-дан, колхозникудин, кōдлмш-чнрин болн церглэчнрин эдл-ахусас эрк-биш орулдж өгдг селанэ эдл-ахун эдл-уушин кемджен багьрад, тиим эдл-уушиг государствд белддз орулдж өглгьнд бичкэхэн орм эзджэнэ. Кемрджэн 1952 джи-лд колхозникудин, кōдлмш-чнрин болн церглэчнрин эдл-ахус эрк-биш тавцэр орулдж өгсн махна то, цуг белддз болн хулддз авсн махна тоод 23 процент эзджэсн болхла, 1957 джил эн эдл-ахус эрк-биш тавцэр мах орулдж өгл-гьн 10,2 процент эзджэнэ. Эн цагин эргид, оиц эздүдин

эдл-ахус эрк-биш тавцэр үс орулдж өглгьн, государствд ордж ирдэх цуг үснэ тоод 31 процент эзджэснэсн 7,1 процент күрч багьрхмн.

Колхозмуд болн совхозмуд эдл-ууш гаргьлгьн икдсн уч-рар, терүнас иштэ, колхозму-дас болн совхозмудас селанэ эдл-ахун эдл-уш белддз ав-лгьн өссн учрар, государств, колхозникудин, кōдлмшчнрин болн церглэчнрин эдл-ахус эрк-биш тавцэр селанэ эдл-ахун эдл-ууш орулдж өглгьнэс цугтагьаснь тер эдл-ахусиг сулдхдз болм аргь баянэ.

Иигдз сулдхлгьн—мана орн-нутгин колхозн крестьян-ствин, кōдлмшчнрин болн цер-глэчнрин баядл-джиргэлин тетгвриг ясуулхнь мел лавта.

КПСС-н Центральн Коми-тет болн СССР-н Министрмү-дин Сэвет тогтаджацхана: Колхозникудин, промысло-вой болн загьс бэрглгнэ ар-тельмүдин, инвалидмүдин кооп-ерацин артельмүдин члэдү-дин эдл-ахус, селан, балгьсн газрмудар болн дачн посел-сар баягьад, государствени предприягьт болн учреж-денств, кооперативн боль об-щественн организацт шишнэ кōдлмшт баях улсин эдл-аху-сиг, селанэ эдл-ахун цуг зүсн эдл-ууш эрк-биш государствд

(Чиглчнь 3-ч халхд).



# Колхозникудин, көдлмшчирин болн цергләчирин эдл-ахус, селәнә эдл-ахугъас гардг эдл-ууш госуларствд эрк биш орулдж өгдгиг уурулхин тускар

**КПСС-н Центральн Комитетин болн СССР-н Министрмүдин Советин 1957 джилин июлин 4-д гаргъсн тогтавр**

(Чилгчнь. Эклчнь 2-ч халхд.)

орулдж өгдгиг, 1958 джилин январин 1-шинәс авнуурулхмн.

Союз республикисин компартин ЦК, партин крайкомс, обкомс болн райкомс, республикисин министрмүдин советс, крайсполкомс, облисполкомс болн райисполкомс, колхозникудин, көдлмшчирин болн цергләчирин эдл-ахусд бәәх селәнә эдл-ахун эдл-уушин үлүг хулддж авлгъна унар госуларствд орулдж авлгъ бурдәлгәнә көдлмшиг ясрулдж, бийәсн үлү бәәх эдл-уушиг госуларственн болн колхозни-кооперативн хулд-гүүлгәнә хаалгъар дәврүлдж

Советск Союзин Коммунистич еск партин Центральн Комитет.

хулдхднь теднд цуг халхарнь дөнъ-нөкд болцхх зөвтә.

Колхозникуд бийәсн үлү бәәх усиг, махиг, боднигиг, өндгиг, ноосиг, нань чигн эдл-уушиг хулдхд колхозмуд теднд цуг халхарнь дөнъ болад, теднд бәәх үлү эдл-уушиг бәәх-бәәх газртнь хулддж авлгъ тетгәд, пунктг, хулд-гүүлгәнә лавкст, колхозн рынокст күрүгхәдг болтха гидж селвг өгхмн.

\* \* \*

Амн болгъна тоод малас гардг эдл-уш гаргъдж авлгъар өбрхн джилмүдин эргид Америкин Соединенн Штатсиг куцдз авхин төлә, селәнә эдл-

ахун 100 гектар газр болгъна тоод 100 центнер болн туунас чигн икар мах гаргъдж авхар, 400 центнер болн туунас чигн икар үс гаргъдж авхар социалистическ дөрлдә делгрүлхмн гидж дуудсн орнутгин нүүрт йовгч колхозмудин, совхозмудин, райодин болн областьсин дуудвриг, советск олн-әмте цугтан чик гидж батлж, дөнъндж бәәхиг КПСС-н Центральн Комитет болн СССР-н Министрмүдин Совет ханмджагъар темдгдәлгәнә. Эн төр куцагхднь төрүц магъд уга. Энүг куцах эв-аргъ манд бәәнә, зүг тер эв-аргъинг чикднь олзлх кергтә.

СССР-н Министрмүдин Совет.



## Мартгдш уга йовдлмуд

1918 джил. Эн цагла мана Иджлин болн тенгъсин көвәгъяр бәәсн райодар Советин йосн хурдар делгрв. Болв урднь әмт зардж йовсн баячуд, дән угагъар йосн алдхар седсн уга. Учр тийм болсар, классмудин ноолдан дегд йкар шатв.

Тийгхд Көк тенгъсин болн Иджлин көвәгъяр бәәсн советин Хальмгин райодар дурн-седкләри дәәч цергчир цугларад, цагъачудла зөргтә кевәр ноолдихав. Эн цергчир хөбннь Коммунистическ партин далгъврар Кануков, Хомутников хойран гардврта хальмг мөртә полк болдж бурдәд, Улан Церглә негдв.

Би тер хальмг мөртә полкд түрүн өдрәс авн дән чилх күртл, „Максим“ гидг станков пулеметин пулеметчик болдж йовлав. Мана дәәч тачанк, баатр улана мөртә цергин хальмгудт дөнъ-нөкд болдж, кесг мингън дууна кев. Мана полкд хальмг әмтнә итклтә урдуд аль болв чигн газрас, голин, тенгъсин көвәгъяс загъсчир болн көдлмшчир, хальмг газрин дундк нутгудас мал өсгдг угагъар болн далжрулачир, өргн Сальск теегәс угатә, гуйр тарачир ирцхәв. Кануковин болн Хомутниковин гардврт тедн зөргтә кевәр, шин тогтсн Советин төрскән харсдз, Северн Кавказд, Дагестанд, Иджлин, Тенгъсин көвәд болн талдан чигн райодар кесг зун хотн, селә сулхдз, Советин йос эн газрмудар тогтахд ик нөкд болв.

Тер цагин мартгдш уга дәнә джилмүдин, хальмг теегин урдудин баатр, сүртә йовлмуд, гавшун мөртн цергчирин зөргтә дәәч уулдвр, теднә сулхдврт дурлгън хамцдз революционн өшәтн—цагъачудла әәмшг угагъар ноолдлгън кезәд чигн мартгдш уга. Тер джилмүд күчр болн алдр билә. Мөртә цергчир хагърха госта, салврха хувцта, өлн гестә, сән зер-зев уга, ганцхн улдтә дәнәд орсн бийнь хәрү цухрдг уга билә.

Кесг олн дәнә динлврмүд тодлврт үлдв. Иджл көвән загъсчир урн, пулеметн командин начальник Арлан Ангуляев. Терүнә зөрг, гавшун йовдлмуд манд келн болла. Арланас үлгүравхар тийгхд бидн цугъар дөрлдг биләвдн. Тер пулеметчикин ухан болн сув ямаран чигн күчр дәнәд әсвиш шулуи хагълдж, генткн цагъачудур дәврдж, теднд уумә өгдмн. Тийм сүртә кевәр бидн Дагестанд—Червлен-Бурун гилг селәнд бәәсн цагъачудиг, уха-сегә өглго уумүлдж көбдз гаргъвдн. Эн баатр йовдлин нүүрт Арлан Ангуляев эврәннь тачанктагъан йовла.

Зөргтә мөртн цергч Максим Шапшуковиг цуг дәәчир таасдг билә. Эн командирин тускар дәәчирнь ду гаргъдж дуулад, ямаран чигн догшин атакл әл уга дахдз орцхадмн. Тедн эврәннь командиртән

цань уга дурта деерән, өшәтнд ягъдж дурго болдж күучхиг терүнәс дасдмн. Шапшуковиг тийм дәнәд, иим ноолданд өнчрв гидж келдз болш уга, юнәгәд гихлә, Шапшуков уга дәәллдән уга. Полкин командир үр Хомутников терүг кесг дакдз әәмшгтә уулдврмүдәс хөрдз зогсала.

Өмннь, харнъгъу—мухла загъсчир, малчир дундас зөргтә, чадмг командирмүд гарцхав. Теднә негнь, Көк тенгъсин загъсч, 3-ч эскадрона командир Очиров Цагъан-Мандж бәәсн. Эн командир Төрскән харсгч Алдр дәнәлгә чигн Советин Әәрмин зергләнд зөргтә кевәр, немшчирин фашистчирлә ноолдв.

Хальмгин негдгч мөртә цергмаднд ик гидг шин сургъмдз өгв. Энүнд бидн ганцхн дәәллдлгъ, өшәтнлә ноолдлгъ кегәд йовсн угавдн. Бидн уунд, шинәр ягъдз бәәхиг дасвдн, эргндән юн болджахиг медвдн, түрүн болдж Ленинә тускар болн коммунистическ партин тускар сонъсвдн. Хамгин түрүн болдж мана полкд Ленинә „Хальмг ахир-дүр“ гидж дуудсн дуудвриг хальмг келәр орчуллавдн. Эн полкд түрүн болдж эврә келәр „Интернационал“ дуулавдн. „Шаб полк“ гидг хальмг революционн дун мана полкд гарла. Эн дууг, загъсчир урн, пулеметчик, билгтә шүлгч болн дууч Лазарь Нюдильчиев бичсмн.

—Ик гидг урмдтагъар бидн сургъуль чигн дасвдн. Халуи дәәллдәнә хоорндк амрлгънд дәәчир булгъар даалньгәсн тоснд киртсн цаасдуд гаргълад, карандашин хугърхас олдж авад, сургъулин ардордмн. Эн тоотиг нертә комиссар үр Кануков халәдмн. Ур Кануков цуг командирмүдиг чанъгъар бәрдмн, нег чигн цергч номас бичә дуттха гидж закв. Тегәд чигн, мана полкд йовсн цергчир, хортан дарад, дәнәгъән төгсәгъад, газр-уснури ирхләри, шин тосхгддзах советин йоснд, әмтнә нүүрт йовцхав.

Мана полкин дәәч кергт баатр кевәр орлцдз йовсн зәрм әмтсин нерд эн: командирмүд Егоров Дордж, Сарангов Индр, Гирдигов Сергей, пулеметчик Мишкаев Тюрбя, цергчир: Очиров Чимдә, Шалаев Нәдвд, Эрдниев Очр, Лагаев Убуш, Арылов Очир, комиссар Манджиев болн талдан чигн улс.

Бидн, Хальмгин негдгч мөртә полкин эндр әмд-менд бәәх дәәчир, эврәннь күндтә полкин командир В. А. Хомутников болн полкин комиссар Х. Б. Кануков хойриг кезәд болв чигн мартш угавдн. Тер мартгдш уга күчр, зовлнъгтә джилмүдт, эдн мана зүркнд цань уга ицг өглә, чилд ургъала, улан тугин дор чик хаалгъдмдн орулла.

Уули НИМГИРОВ. Хальмгин негдгч мөртә цергин пулеметчик.

## Партин зергләнә ленинск ни-негиг улм батлхмн

Июль сарин 2-т хотл балгъсна партиин активин хург болв. Кремлин Ик бәәшнъгин хург кедг заалд 2800 шаху күн—Москва балгъсна, 400 мингъ гар чледтә партиин организацин представителмүд ирцхәв.

Г.М. Маленковин, Л.М. Кагановичин болн В.М. Молотовин антипартийн багин туск КПСС-н ЦК-н Пленумин тогтаврин тускар КПСС-н ЦК-н болн МК-н сегләтр үр Е. А. Фурцева доклад кев.

Партәс болн олн-әмтнәс заагрсн, авртл уга му үүлдвр докладт сәнәр цәәлгъддз келгдв. Партин Центральн Комитетин ни-нищнъгъу бәәлгън олн ленинск әрүн авц-бәрц докладт темдгддз келгдв.

Е.А. Фурцеван докладар, Лихачевин нертә автозаводин парткомин сегләтр А.И. Фатеев, КПСС-н Дзержинск райкомин сегләтр А.Н. Никифоров, Московск-Рязанск төмр хаалгъин Москва-Сортировочн депон ах машинист В.Г. Блаженев, Фрунзен нертә фабрикин директор С.П. Леонова болн нань чигн улс—цуг бийнь 18 күн босдж келцхәв.

Босдж келцхәсн улс цугтан, КПСС-н ЦК-н Пленумин тогтаврин нег дуугъар таасцхав, Маленковин, Кагановичин, Молотовин болн теднлә негдсн Шепиловин антипартийн уулдвриг өршәнъгъу угагъар гәәлцхәв. Партиин активд босдж келцхәлгън—Московск партиин организацин зерглән ни-негиг, тер организаци ленинск ЦК эргнд хамцсиг тодрхагъар үзүлгън болджана.

КПСС-н ЦК-н члед үүрмүд Н.М. Бобровников, А.Н. Косыгин, Н.К. Байбаков, ЦК-н Пленумд болсн күүндврин тускар, терүнд орлачир, Маленковин, Кагановичин, Молотовин антипартийн багин уултә уулдвриг илткдз секлгънд партин ленинск ни-негиг нег дуугъар харсдз келцхәсиг лавлдж медүлцхәв. Эн багд орлачир партиг салгъдз салвлхар седснә тускар босдж келцхәсн улс тодрхагъар цәәлгъдз келцхәв.

Үүрмүд Н. А. Булганин, М. Г. Первухин хургт босдж келцхәв.

Активин хургт КПСС-н ЦК-н негдгч сегләтр үр Н. С. Хрущев

босдж келсиг ниргсн, уданд альх ташлгъар тосцхав.

Балгъсна партиин активин хургин нег дуугъар авсн резолюцд, Московск цуг партиин организацин тоолврив медүлдж, партин ЦК-н Пленумин, ленинск партиин зергләг улм цааранднь хамцулх, терүнә гардврив батлх, партин генеральн хаалгъин төлә ноолдх тогтаврив нег дуугъар таасдз дөнънцхәв.

Маленковин, Кагановичин, Молотовин болн теднлә негдсн Шепиловин антипартийн багин фракционн уулдврив партиин актив авртл угагъар гәәлдж бурушав.

Үүрмүд Маленковиг, Кагановичиг болн Молотовиг ЦК-н Президиумин чледин тоогъас болн ЦК-н чледин тоогъас гаргъхин туск, дакад үр Шепиловиг КПСС-н ЦК-н сегләтрин уулдс буулгъхин туск, ЦК-н Президиумин чледин кандидатин тоогъас, ЦК-н чледин тоогъас гаргъхин туск КПСС-н ЦК-н Пленумин шиидврив хотл балгъсна партиин актив таасв.

Москва балгъсна партиин организац эврәннь зергләгъин улм икар хамцулдж, марксизм-ленинизмн диилгдшго тугин дор коммунистическ тосхтин төрмүд хагългънд цаарандн диилвр бәрцхәх гидж партактивин хург КПСС-н ЦК-г иткүль.

\* \* \*

Маленков Г. М., Каганович Л. М., Молотов В. М. гурвна антипартийн багин тускар КПСС-н ЦК-н Пленумин гаргъсн шиидврәр күүндвр кесн партиин активин хургс Ленинградт, Киевд, Алма-Атад, Ташкентд, Бакуд болн орн-нутгин нань чигн балгъсудт болв.

Московск областин партиин организацин активин хургт Московск областин партиин комитетин сегләтр үр И.В. Капитонов доклад кев. Активин хург деер КПСС-н ЦК-н негдгч сегләтр үр Н. С. Хрущев үг келв.

Ленинград балгъсна партиин активин хургт КПСС-н ЦК-н ньюнск Пленумин шиидврин тускар КПСС-н ЦК-н Президиумин член, партин Ленинградск обкомин сегләтр үр Ф.Р.

Козлов доклад кев. Украина хотл—Киевин активин хургт КПСС-н ЦК-н Президиумин член, Коммунистическ партин Украина ЦК-н негдгч сегләтр үр А. И. Кириченко доклад кев. Минск балгъсна партиин активин хургт КПСС-н ЦК-н Президиумин членә кандидат, Коммунистическ партин Белоруссин ЦК-н негдгч сегләтр үр К. Т. Мазуров, Ташкент балгъснд—КПСС-н ЦК-н Президиумин членә кандидат, Коммунистическ партин Узбекистана ЦК-н негдгч сегләтр үр Н.А. Мухитдинов, Тбилиси балгъснд—КПСС-н ЦК-н Президиумин членә кандидат, Коммунистическ партин Грузин ЦК-н негдгч сегләтр үр В.П. Мжаванадзе, Рига балгъснд—КПСС-н ЦК-н Президиумин членә кандидат, Коммунистическ партин Латвин ЦК-н негдгч сегләтр үр Я. Э. Калнберзин, Горький балгъснд—КПСС-н ЦК-н Президиумин член, партин Горьковск обкомин сегләтр үр Н. Г. Игнатов, Свердловск балгъснд—партин Свердловск обкомин сегләтр үр А. П. Кириленко доклад кецхәв.

Партин активин хургуд болн партиин комитетмүдин пленумс Кишинева, Ереван, Фрунзе, Вильнюс, Сталинабад, Сталин, Ашхабад болн нань чигн балгъсдар хурцхав.

Партиин активин хургуд, эн мет партиин эклц организацсин хургуд болдж партиин зерглән батинь, ни-нищнъгъу-гъинь үзүлгъ йовцхана. Ленинск Центральн Комитет толгачта Коммунистическ партин гардврар уралан йовдз, эдл-ахун болн сургъуль-эрдмин халхар агъу ик диилвр күцгдсиг коммунистчир темдлдж келдәлгәнә. Маленков Г.М., Каганович Л.М., Молотов В.М. гурвна антипартийн багин тускар КПСС-н ЦК-н Пленумин гаргъсн шиидвр хургуд болн пленумст орцхасн улс дунд нег дуугъар, омгта кевәр зөвшәргддз, антипартийн баг партиг салгъдз тарахар кедж йовсн тоотиг тедн гәәлцхәв.

(ТАСС).



## Сән хаалгъд орулшго йовдлмуд

1

Асхн серун агъарт кен болвчн парк одад невчкн зуур амрхдан дурта. Парк дунд көкряд ургъджах модн нег-негилгъан харгълдад зогсна. Дорн суухла, теднә бучр-хамтхсн тансла куундлж бә-ахәр номгын салкнд шивр-шивр гинә.

Дорас өсдлж йовх багъчуд мел энд-тенд шуугад, зармсн хешадар суувдлдәд йовдлж йовадчн, нег-негән хәләгъад зогсджагъадчн, кинотеатрас сонъсхгддлж радиолн айсар аргъул биилдлж йовадчн, сәахн седклин куурән гаргъдлж куунднә. Иим бәадл йир сән, байрта. Багъчуд нигәд йовхла кен болвчн байрлнә, нег улү медәтә улс бахтна.

Олн улсин байрт багтад, хаджудан бәасн репродуктор Москвәгәс келсн занъгиг сонъсад сууджагъад, уурән нег цөбкн кун хәрхәр гарад йовдн. Мадн дунд гучн джилд әмт әмнәд тусан кургдлж йовх Бакан Бамба, хөрн джилд куукд-көвүд сургъдлж йовх багш гергн, бас чигн наснә кирцәгъәр көдлмш кесн кесг куукд улс йовна. Обрмбидн сургъул дасджах бичкн куукд бас дахдлж йовла.

Паркас зөвәр гарад одсн дунгәд, хөрәд гарсн талан наста баахн хойр залу үзгдв. Маниг давад гарн гидж йовтл, әднә негнә хальмгагъәр келв: —Икл сәахн балгъсар йовдлж йовх бәадлгәгъәр цаатксчн мел сенкәлдәд, шуугллад йовна...

Наадкн тер келсндн хәрү өгсн уга.

—Хей, Сибирт йовсан мартчквт?—гидәд мана ардас хә-ақрв.

Тер көвүн келшго газрт келсн модьрун үгд мана көгшн эгч, тер баахн көвүнә эәдлж болм Бамба ик гидгәр гундв.

—Наадк куунтн юн гидг үг келәд, ямаран гидг йовдл олн улс дотр гаргъджахмб?—гичкәд шуукрад саналдв.

—Сәахн бүл дотр нег тиим му, модьрун кун йовдмн. Яяхв, аргъ уга, цагн ирхлә, тиим улсиг сургъад авхд юн билә. Әмч, бичә гундтн, мана багъчудтн делгүдән сургъульта-әрдмтә, медәтәгъән, көгшән кундлнә, багъан сургъна,—гиввдн.

Болв тер баахн куунә келсн эврә бийән дөблсн буру кемәц, түүг бийинь чигн, уур-мүдинь чигн сән хаалгъд орулшго. Мана багъчуд болн комсомол иим йовдлг тоолдлж, сургъмдлжн көдлмш келгъән чангъах зөвтә.

«Нег темәнә хоргъснд мингън темән хальтрдг»,—гидг хальмг үлгүр ик чик үлгүр.

2

Би нег баахн көвүг бичкнәсн авн гилтә меднәв. Сәахн әрдмтә, гавшун, ухата залу тер болв. Болв нег татунь—йир халуч, омлгн, болшго юмнас көлтә голд орад чивм дунгә. Одахн нег дакдлж үүнлә харгъад куундв:

—Чи ягълач, чамаг долан хонгас нааран көдлдлжән газрчн хәагъад бәадмб? Куунә машинд шофер болчкад нигәд йовдв?

—Дәдә, би бурутав. Нег болшго юмар намаг тавн хонгт милиц суулгъв.

—Ягъад, болшго юмар ку суулгъдв?

—Суулгъдлг учрн бәәнә.

—Келлч, ягъдлж суулгъсинь, сонъсад медий,—гилләм, эн көвүн тем гаргъсан тууджлад келв...

—Би ик ора киногъас хәрдж йовлав. Сад дотр гурвн ик көвүн, бичкн нургъта нег көвүг демнәд гүвдсиг үзвв. халурхад теднд келвв:

—Ягъад тәдн нилад ганчхн ку цокдлж бәәнәт?

Тедн нанд өмнәсм иигдлж келв:

—Чи бас гүвдүлхәр бәәнч?

—Цокад хәләлт, кен кениг гүвдхинь тегәд медий—болджанав.

Тиигдлж келснә хөбнн, тедн дәрәд, халуч көвүг цокхар седнә. Эн негинь нүдәрн цокдлж унъгъагъад, хойрдлгчн хәвргинь хамхлад, гурвдгчн амарн цокад, шүдинь куулдлж оркна. Тиигдлж бәәтл, милиц ирәд, цугинь бәрдж авад йовад одна.

Мангъдуртн сурлгъа авна:

—Чи ягъад тер гурвн ку гүвдлж?

—Тедн намаг бийим гүвдхәр седв, бийән харслав.

—Кун бийән тиигдлж харслв, теднчн сөрв авч, чамд уга боллмб?

—Би негдгч разряд боксерв, тедниг бийдән кургсн угав. Тедн ягъад нег ку мини өмн, цугъар негдәд гүвдвә?—гидж хәрү сурвв.

—Тер гүвдүлснчн кемб?

—Меддлжәшв, зулад әрдлж—болвв.

—Тиим болхла, чи гемтәч.

Харссн куунчн үүнд уга, чи шамдгә боксерч, тиим эрдм уга гурвн ку али гитлн гүвдлжч. Тер геминь учрар тавн хонгт суух йостач. Бийән харсн кергтә. Болв тиигдлж хуүктлн гүвдхмн биш...

—Не, дәдә, тегәд би гемтәй?

—Чи гемтәч, чамаг чикәр суулгъдлж. Чамаг боксер келәрн дурдан ку гүвдәд йовгисн уга. Чи чидлән керго юмнд гаргъдлжч, хөбнн бичә тиим йовдл гаргъ!

—Би таниг сонъсджанав, мини хаджгәр бәәдлж,—гидж эн келв.

Мана багъчуд дунд боксер-мүд, баскетболист болн нань чигн олн зүсн гавшун әрдмтә улс бәәнә. Әднлә көдлмш кегъад, әрдминь улм өдән гаргъхла, ик сән болх билә. Болв комсомол, школ болл физкультурин халхар ода деерән тер туск көдлмш татугъар кегдлж бәәнә. Мана Элст балгъсна стадионд багъчуд иим әрдмәр сурдлж шүлтх биш, тиим спорт кех газр, зер-зев үзгдхш. Эн туск тәриг шундлж келлә, багъчуд түүнд шилтәд, хара-зөнгдән йовад, буру хаалгъта йовдл гаргъад бәәд-

гнә уурх зөвтә. Тегәд, багъчудт туста эрдм дасххла ик сән тәр болх гидж саннавдн.

3

Одахн нег сәахн нургъта-турута баахн залу, әм деерән ик гидг мишгтә өдмг уурсн, ка-замд хәләгъад йовдлж йовна, ардн бас түүнә дунгә наста кун, хойр суулгъ хот бәрсн дахдлж.

Сул уульнц давад гарч йовтл, өмнәсн нег цөбкн кун гарч ирв. Тедн дунд негнәнн келсн куукн, негнәнн эмг эк хойр үзгдв. Эврәнн элг-садан болн уурмүдән үзчкн, әдн өмәрән шурл-шурд адгъад одв. Гем гаргъад орксндан, әдн эврәнн өбрхн улсас эмәдлж йовлг билтәл гидж би дотран санвв. Тиим чигн болхмн. Тедн, өмн сөнә хоюрн зөвәр ик әрк уучкад, хоорндан цокдлад, өбрән бәәсн улст амрл өгл уга бәәцхәдлж. «Арк савасн бишнәкән әвднә» гидг үлгүр бәәдлг.

Эн хойр көвүг, бәәсн газрурн курч йовх алднд иим куундвр телефогъар болва:

—Ур, начальник! Одахн мана хойр сән гидг урн улс 15 хонгт суудлж одла. Тедн угагъар көдлдлжән бригадн дутдлж бәәнә. Тедниг тәвдлж болх зөв өгхнтн?

—Тер улстн суух цаган ку-цәккәд гарх зөвтә. Болв танд кергтә болхла, өдрәрн одад көдләд бәг, сөнә энд ирдлж хонг. Дакад 15 хонгт көдлсн көлсинь тер улст өгхмн биш.

Эн куурин ашинь авад хәләхла, уурмүд дундан кундтә, әдн сән урн улс боллж гарна. Тедн уга болсн деерәс көдлмш удан кегдлж йовна. Дакад 15 хонгт көдлл уга, әдлврн мөнгө оллу га бәәнә гидг бас сән биш. Улгүрн, нег-негнә өдртән 60 арслн өлг бәәдлж, тиигхлә тер хоюрн 1800 арслнәга гаруд тусдлж бәәнә. Гер-бүлдн иим мөнгн ик дөн болх билә. Ахарн келлч, гаргъсн йовдласн көлтә гару дала болв.

\* \* \*

Төрсн газр юн чигн юмнас энкәр болн унтә боллг зөвтә. Мана багъчуд эврә газран санад, отг-нутган босгъхар, өргдлж-бсгхәр ирцхәсн лавта. Тиигхлә, эн сән төрән шундлж ку-цәй. Кемр әмтнлә әдл көдлдлж чадшго болхла, шундлж ирсн улст тушагъан бичә халдатн гидж му гаргъад йовдл уурмүдтән келх кергтә.

Кун гисн юмн ни болхла, юн чигн юмг диллх зөвтә.

Мана багъчуд—мана ик чидл. Тедн төрснә тосхлтин ик дөн.

Тиигхлә, му, дуту-дундан тоньлгәд, хамдан, нег кун кевтә, олна көдлмшт шундлж йовх—эркн керг.

КӨКТӘН ЭЛДӘ.

## Газетд ю ягъдлж бичхмб?

Өдгә цагт газетин көдләнчрин, газетд бичдлг улсин өмн ик чинртә төрмүд зогсдлана. Селәнә әдл-ахун көдләнчрин түүрн нүүрт йовх хөбчнр, малчнр, саальчнр, гахачнрин сән дамшлтиг олн дунд тархах—газетин болн газетд бичдлг улсин нег ах төрн боллжана.

Газетд бичдлг улс ик болгъамдлжта, онган ююнд чигн өгәд, ююгъар чигн сонъсдлж медх зөвтә. Тиим болгъамдлжта, онгта куунә нүднәс юн чигн далтършго. Тер кун хама, юн болджахиг нүдәрн үзәд, чикәрн сонъсад йовхмн. Газетд бичхләрн турүләд ямаран юм бичхән тоолад, товчлад авчкхмн. Газетд бичсн заметк цөбкн угәр, меддлж келәр олн үлгүртәгъәр бичгдхлә, тиим заметкиг умшхд сән, товчлдлж авхд чигн амр болна.

Зәрм әмтс, газетд барлтн гидж, олн угәр, үлгүр чигн угагъар бичгүд илгәцхәнә, тер бичгүдиг олзлдлж болшго. Тиим бичг кенд чигн тус уга боллжана.

Зәрм улс цәәлгъвр, йорәл-мүд, шүлгүд нургъдлж бичхәнә. Тангъчан тосхдлж, босхдлж, әдл-ахугъан уралан йовулдлж көдлх кергтә гидж бичнә, ганчхн йорәл цәәлгъвр, дуудвр шүлгүдәр хол оч болшго. Улгүрләд келхд, Астраханск областәс үр Д. ус орулхин тускар, олн угәр, толгъа товч чигн уга юм бичдлж. Иигдлж бичсн бичгиг барлдлж болшго. Сибирәс уурмүд Б. болн Г. эврәнн бичгтән дуулвр бичдлж: көдлтн, тосхтн. Эн бичгүдт нег цөбкн үлгүрмүд орулад, кен, кезә, хама көдлдлж йовад, ямаран көдлмшин дилвр бәрсинь келәд бичсн болхла, тер бичг чинртә болх билә.

Сибирин олн райодар кесг олн өрк-бүл ода бийн бәәгъә. Тедн дунд Алтайск, Красноярск крайд, Новосибирск, Омск, Тюменск, Томск областәд туурсн нертә хөбчнр, малчнр, саальчнр, гахачнр, механизатор-муд, селәнә әдл-ахун специалистр олн бәәнә. Теднә көдлмшин, бәрсн дилврин тускар манд кесг селькормуд бичхәнә. Эврә газртан ирсн хальмгудт, Сибирт дав зуур йовх, таньдг, элгн-садн, ингүднә әднә дилвр сонъсх, медх теднә дамшлтиг, сән медрлиг олзлх чигн селәнә әдл-ахун көдләнчнр олдхмн. Тенд йовсн мана хальмгудин бәрсн дилвр мана ик байр, мана ик бахмдлж боллжана. Тегәд чигн мана газетин халхд холас ирсн бичгүдәс гидж хара биш барлдна. Тиигх чигн зөвтә. Улгүрләд келхд, Новосибирск областин Купинск района Ленинә нертә колхозд хөбч йовсн Сәклтин Коджа сән көдлмшәрн 1956 джил областәдан хойрдгч хөбч гисн диплом, нань чигн унтә белг авч. 1957 джил 100 хөбнәс 125 хургъ авч.

Мана селькор манд иигдлж бичв: Яшкульск района Буденнә нертә колхозд нертә хөбч Далгъан Чонънуха хәрдж ирв. Чонънуха Хакасск областин Копьевск племсовхозин

ах хөбч көдлдлжәдлж. Эн 1939 джилд сән дилвр бәрсн төләдән селәнә әдл-ахун гәәхүлд одсмн. 13 джилин туршарт Чонънуха хөбнә тохминь ясрулдлж, хөбгъән джиләс джил болгн сән чинәтәгъәр, гару угагъар үвлзүлдлж, зун хөбнәс 120 хургъд авад, хөн болгънас 6—7 килограмм ноос киргъдлж авсмн. Чонънуха Хакасск областәд туурсн нертә сән хөбч боллжана. Саралинск района газетд кесг дакдлж барлад, района хөбчнрт цәәлгъвр кесмн. КПСС-н Хакасск обком Макталин грамотар Чонънухаг ачлв.

Мана Хальмг тангъчнн колхозмудар, совхозмудар, төрсн газрурн ирсн хальмгудт, әмән әрвлго, цуг бәәсн чидлән, кесг джилин дамшлтан өгч, көдлмшин сән дилвр бәрджәх кесг олн хөбчнр, малчнр, саальчнр, механизатормуд, специалистр көдлдлж йовна. Улгүрлхд, манд иигдлж зангәлв: Целинн района «Прудовый» совхозд өвснә хадлгнәд көдлдлжәх тракторист Сарангов Улмдлж 600 гектар хадад унъгъачкн өвсиг тавн-зургъан хонгин эргцд мааджурдлж төгсәв. Приютненск района Буденнә нертә колхозд Боваев-Араша зоотехник боллж көдлдлжәнә, эн өрк-бүләрн куч-көлснә 800 өдр олчкв. Энүнә отхн көвүн Борис ах хөбч боллж 1100 толгъа зусг хөд хәрүлдлжәнә. Эн Борис дадмг хөбчнрлә көдләд, сән хөбчнрин нер зуув. Каспийск района «Красный моряк» колхозин ах хөбч Шунгрциков Төлән гардлжах хөбчнрин бригад нег толгъа хөн болгънас 6 килограмм ноос киргъдлж авб гидж манд бичцхәв.

Иигдлж үлгүртәгъәр бичсн заметкс умшхд, тодлдлж, дамшлтинь товчлдлж, меддлж авхд амр боллжана, көдлдлжәх селәнә әдл-ахун көдләнчнрт ик дөн-нөкд, сургъмдлж болхмн. Тер төләд, бичхләрн угинь цөбгъәр, үлгүринь олар бичтн.


КПСС-н ЦК болн СССР-н Министрмудин Совет бичсн, хө бсглгнә болн ноос икәр авхин туск бичгиг куцәхин төләд шундлж көдлдлжәх хөбчнр, малчнр, саальчнр, гахачнр механизатормуд, цуг селәнә әдл-ахун көдләнчрин көдлмшин сән дилврин, дамшлтиг олн дунд тархахин төләд газетд бичдлг улс дөн-нөкд болх зөвтә.

ЭЛЮЕВА Б.

Цаг зуурин редактор С. КАЛЯЕВ.

Элст балгъсна Базарная уульнчин 7-ч номертә герт бәәх Иванов Федор Александрович, Элст балгъсна 1-ч номертә гостиницд бәәх эврәнн гергн Иванова Вера Ивановна салх төр тәвдлжәнә.

Эн төриг Элст балгъсна олн-әмтнә заргъ хәләхмн.



ЗУРГТ: 1-ч Улдчнүр, эврә газрурн нүүдлж ирсн Т. Бадмаев, уурмүдинн хөбгәтәгъәр бийдән гер бәрджәнә.

Р. Астахован фото.